















## মামনের নটআউট ৭২, প্রিয়ার ৫ উইকেট ব্লাডমাউথকে হারিয়ে এগিয়ে চলো ফাইনালে

ক্রীড়া প্রতিনিধি, আগরতলা। এগিয়ে চলো সংঘ ফাইনালে। তাও টি-টোয়েন্টি আসরে চ্যাম্পিয়ন দল ব্লাডমাউথ ক্লাব কে হারিয়ে। ত্রিপুরা ক্রিকেট এসোসিয়েশন আয়োজিত সিনিয়র মহিলাদের আমন্ত্রণ মূলক টি-টোয়েন্টি ক্রিকেট টুর্নামেন্টের পর এবার আয়োজিত ৫০ ওভারের টুর্নামেন্ট একেবারে অস্তিম পর্যায়। প্রথম সেমিফাইনালে এগিয়ে চলো সংঘ, চার উইকেটে ব্লাডমাউথকে পরাজিত করে ফাইনালে খেলার

ছাড়পত্র পেয়েছে। ঠিক এক মাস আগে এই ব্লাডমাউথ ক্লাব দলই টি-টোয়েন্টি ক্রিকেটের সেমিফাইনালে জিতে ফাইনালে প্রবেশ করেছিল। তালতলা স্কুল গ্রাউন্ডে সকাল ৯টায়, রবিবার ম্যাচ শুরুতে টস জিতে ব্লাডমাউথ ক্লাব প্রথমে ব্যাটিং এর সিদ্ধান্ত নেয়। ৪৩.৪ ওভার খেলে ১৬০ রানে ইনিংস শেষ করে। দলের পক্ষে অধিনায়ক রিজু সাহা এবং ওপেনার দেবপ্রিতা দেব দুজনেই

২৯ করে রান সংগ্রহ করে। এছাড়া, পায়েল নমঃ-২র অপরাধিত ২৩ রান, অনামিকা দাসের ২১ রান উল্লেখ করার মতো। এগিয়ে চলো সংঘের প্রিয়া সূত্রধর ৩১ রানে ৫ টি উইকেট তুলে নিয়ে ব্লাডমাউথের ভিত নড়বড়ে করে তোলার পাশাপাশি প্লেয়ার অফ দ্যা ম্যাচের খেতাবও পায়। এছাড়া, সুরভী রায়, মামন রবিদাস ও অস্মিতা রায় একটি করে উইকেট পেয়েছে। পান্টা ব্যাট করতে নেমে

এগিয়ে চলো সংঘ অত্যন্ত দৃঢ়তার সঙ্গে টিকে থেকে রান সংগ্রহে মনযোগী হলে ৪৩.৫ ওভার খেলে ছয় উইকেট হারিয়ে জয়ের প্রয়োজনীয় রান সংগ্রহ করে নেয়। দলীয় ১৬ রানের মধ্যে পরপর দুই উইকেট এবং ৫৮ রানের মধ্যে আরও তিন উইকেট হারিয়ে এগিয়ে চলো সংঘ একপ্রকার প্রমাদ গুণতে শুরু করলে ব্যাট হাতে কাভারীর ভূমিকায় এগিয়ে আসে সেই বোলিংয়ে দাপট দেখানো বোলার

প্রিয়া সূত্রধর। পরবর্তী সময়ে মামন রবিদাসের অনবদ্য ব্যাটিং এবং ৮১ বল খেলে আটটি বাউন্সরি ও দুটি ওভার বাউন্সরি হাঁকিয়ে অপরাধিত ভূমিকায় ৭২ রান সংগ্রহ করার পাশাপাশি দলকে জয় এনে দেয়। বলে ব্যাটে দুর্দান্ত পারফরমেন্সের সৌজন্য প্রিয়া সূত্রধর পেয়েছে প্লেয়ার অব দ্যা ম্যাচের খেতাব। ব্লাডমাউথের পায়েল নমঃ দুটি এবং অস্মিতা রায়, অন্তরা দাস ও প্রিয়া ত্রিপুরা একটি করে উইকেট পেয়েছে।

## ৪ উইকেট সহ ৫০ রান, সন্দীপন সেরা গভাছড়াকে হারিয়ে সদর-বি ফাইনালে

ক্রীড়া প্রতিনিধি, আগরতলা। এবারও সদর বি ফাইনালে উঠেছে। অনূর্ধ্ব ১৩ রাজ্য ক্রিকেটে চ্যাম্পিয়ন খেতাবের পর, অনূর্ধ্ব ১৫ রাজ্য ক্রিকেটের ফাইনালে খেলার ছাড়পত্র পেয়েছে সদর বি। মূল পর্বে অর্থাৎ সেমিফাইনাল পর্যায়ের খেলায় সদর বি ছয় উইকেটের ব্যবধানে গভাছড়াকে হারিয়ে ফাইনালে খেলার ছাড়পত্র পেয়েছে। যদিও অনূর্ধ্ব ১৩ রাজ্য আসরে সেমিফাইনাল পর্যায়ের খেলায় বিশালগড় কে হারিয়ে সদর বি ফাইনালে পৌঁছে ছিল। অনূর্ধ্ব ১৫ রাজ্য আসরে সদর বি ফাইনালে লড়বেন বিশালগড়ের বিরুদ্ধে। রবিবার পুলিশ ট্রেনিং একাডেমী গ্রাউন্ডে টিসিএ

আয়োজিত অনূর্ধ্ব ১৫ রাজ্য ক্রিকেটের প্রথম সেমিফাইনালে টস জিতে সদর বি প্রথমে বোলিংয়ের সিদ্ধান্ত নিয়ে গভাছড়াকে ব্যাটিংয়ের আমন্ত্রণ জানায়। নির্ধারিত ৪৫ ওভার খেলা সম্ভব হয়নি। ৪১.১ ওভারে গভাছড়া ১৩৭ রানে ইনিংস শেষ করে। দলের পক্ষে রজত দাস সর্বাধিক ৩৭ রান পায়। এছাড়া ওপেনার বিশাল ত্রিপুরার ২৬ রান এবং রামু মল্লিকের ২০ রান উল্লেখ করার মতো। সদর বি-র বোলার সন্দীপন দাস ১১ রানে চারটি উইকেট তুলে নেয়। এছাড়া, আকাশ দেবনাথ ও শুভ দাস দুটি করে এবং অধিনায়ক অর্পণ ভট্টাচার্য একটি উইকেট পেয়েছে। জবাবে ব্যাট করতে নেমে সদর বি নির্ধারিত

৪৫ ওভার শেষ হওয়ার ১০ বল বাকি থাকতে, চার উইকেট হারিয়ে জয়ের লক্ষ্যে পৌঁছাতে সক্ষম হয়। দলের পক্ষে প্রারম্ভিক ব্যাটসম্যানরা দক্ষতার সঙ্গে রান সংগ্রহে ব্যস্ত হলে সহজ জয় পেতে সক্ষম হয়। সন্দীপন দাস ৯৭ বল খেলে ছয়টি বাউন্সরি হাঁকিয়ে ৫০ রান সংগ্রহ করে। এছাড়া ওপেনার আনুস দস্তের ৩৭ রান ও অরিয়ান কুমার সিংহের ২৫ রান উল্লেখ করার মতো। বলে ব্যাটে দারুন অলরাউন্ড পারফরমেন্সের সৌজন্যে সন্দীপন দাস পেয়েছে প্লেয়ার অব দ্যা ম্যাচের খেতাব। গভাছড়ার বোলার রজত দাস ও অমিত কর চাকমা একটি করে উইকেট পেয়েছে।

## এবারও সেমি-তে নকআউট উদয়পুর মানিকের বোলিংয়ে বিশালগড় ফাইনালে

ক্রীড়া প্রতিনিধি, আগরতলা। এবার কিন্তু বিশালগড় ফাইনালে। অনূর্ধ্ব ১৩ রাজ্য আসরে সেমিফাইনালে হেরে ছিটকে যেতে হয়েছিল বিশালগড়কে যে সদর বি-র কাছে পরাজিত হয়ে। মুখ্যত এবারের অনূর্ধ্ব ১৫ রাজ্য ক্রিকেটে বিশালগড় কে সেই সদর বি-র সঙ্গে ফাইনালে মুখোমুখি হতে হবে। রবিবার দ্বিতীয় সেমি ফাইনাল ৬ উইকেটে উদয়পুর কে হারিয়ে

বিশালগড় ফাইনালে খেলার ছাড়পত্র জিনিয়োর নিয়েছে। এদিকে উদয়পুরের ভাগ্য এতটাই মন্দ যে অনূর্ধ্ব ১৩ রাজ্য আসরের পর অনূর্ধ্ব ১৫ রাজ্য আসরেও উদয়পুরকে সেই সেমিফাইনালের লড়াইয়ে হেরে ফাইনালের স্বপ্ন অধরা রেখে ঘরে ফিরতে হচ্ছে। টি আই টি গ্রাউন্ডে রবিবার সকালে ম্যাচ শুরুতে টস জিতে বিশালগড় প্রথমে ফিল্ডিং এর সিদ্ধান্ত নেয় এবং উদয়পুরকে ব্যাটিংয়ের

আমন্ত্রণ জানায়। মুখ্যত তিন বোলার মানিক আহমেদ, মুম্বয় ভৌমিক ও লিটন দাসের লাপুটে বোলিং উদয়পুর কে ব্যাট হাতে বেশিদূর এগোতে দেয়নি। ৪১.৫ ওভার খেলে উদয়পুর ৯১ রানে ইনিংস গুটিয়ে নিতে বাধ্য হয়। দলের পক্ষে অধিনায়ক সানিত সাহার ৩৬ রান এবং কৃষ্ণা দাসের ১৮ রান উল্লেখযোগ্য। বিশালগড়ের মানিক আহমেদ চার

রানে চারটি উইকেট তুলে নিয়ে উদয়পুর কে অল্প রানে থামানোর পাশাপাশি প্লেয়ার অফ দ্যা ম্যাচের খেতাবও জিনিয়োর নেয়। এছাড়া, মিম্বায় ভৌমিক ও লিটন দাস দুটি করে উইকেট পেয়েছে। পান্টা ব্যাট করতে নেমে বিশালগড় বিশেষ করে সৌরভ সূত্রধরের প্রশস্ত ব্যাটে ভর করে ২৭.২ ওভার খেলে ৪ উইকেট হারিয়েই জয়ের লক্ষ্যে পৌঁছাতে সক্ষম হয়। সৌরভ ৮৫ বল খেলে ছয়টি

বাউন্সরি ও দুটি ওভার বাউন্সরি হাঁকিয়ে ৪৮ রান সংগ্রহ করে দলকে জয়ের কাছাকাছি পৌঁছে দেয়। রিজওয়ান আলমের ১৩ রান উল্লেখ করার মতো। তবে পক্ষম উইকেটের জুটিতে আরিস মজুমদার ও নয়ন দেবনাথ দলকে জয়ের লক্ষ্যে পৌঁছায়। উদয়পুরের সন্দীপ শীল, শ্রীমান দেবনাথ ও ইসমাইল চৌধুরী প্রত্যেকে একটি করে উইকেট পেয়েছে।

## তপন স্মৃতি নকআউট ক্রিকেট শুরু ২৬শে, ক্রীড়া সূচি ঘোষিত

ক্রীড়া প্রতিনিধি, আগরতলা। ১৪ টি দলের নকআউট টুর্নামেন্ট। তপন মেমোরিয়াল ক্রিকেট আসর ২০২৩-২৪ শুরু হচ্ছে ২৬ এপ্রিল থেকে। ছয় দিনে ১৩ টি ম্যাচ নকআউট পর্যায়ের খেলা। উদ্যোক্তা ত্রিপুরা ক্রিকেট এসোসিয়েশন। ইতোমধ্যে আয়োজকদের তরফ থেকে ১৪ দলীয় এই তপন মেমোরিয়াল নকআউট ক্রিকেট টুর্নামেন্টের ক্রীড়া সূচি ঘোষণা করা হয়েছে। মুখ্যত ১৪ টি দলকে দুটো গ্রুপে ভাগ করা হয়েছে গ্রুপ এ-তে রয়েছে স্কুলিঙ্গ, মৌচাক, বনমালীপুর ক্রিকেট ক্লাব, সংহতি,

শতদল সংঘ, ইউনাইটেড বিএসটি এবং ইউনাইটেড ফ্রেন্ডস। গ্রুপ বি-তে রয়েছে কসমোপলিটন, চলমান সংঘ, জয়নগর ক্রিকেট ক্লাব, পোলস্টার, ব্লাডমাউথ, হার্ভে এবং গুন্ড প্লে সেন্টার। গতবারের ফাইনালিস্ট দুই দল স্কুলিঙ্গ ও কসমোপলিটন কে প্রথম রাউন্ডে বাই দেওয়া হয়েছে। সরাসরি তারা কোয়ার্টার ফাইনালে খেলবে। ২৬ এপ্রিল প্রথম দিনে তিন ম্যাচ তিনটি ম্যাচ রাখা হয়েছে। এমবিবি স্টেডিয়ামে মৌচাক খেলবে বনমালীপুর ক্রিকেট ক্লাবের বিরুদ্ধে। একই সময়ে পুলিশ ট্রেনিং একাডেমী গ্রাউন্ডে সংহতি খেলবে

শতদল সংঘের বিরুদ্ধে এবং টিআইটি মাঠে চলমান সংঘ ও জয়নগর ক্রিকেট ক্লাব পরস্পরের মুখোমুখি হবে। ২৭ এপ্রিল এমবিবি স্টেডিয়ামে পোলস্টার খেলবে ব্লাডমাউথ ক্লাবের বিরুদ্ধে এবং টিআইটি গ্রাউন্ডে ইউনাইটেড বিএসটি এবং ইউনাইটেড ফ্রেন্ডস পরস্পরের মুখোমুখি হবে। ২৮ ও ২৯ এপ্রিল দুটি করে চারটি কোয়ার্টার ফাইনাল ম্যাচের পর ৩০ এপ্রিল দুটি সেমিফাইনাল ম্যাচ রাখা হয়েছে। ফাইনাল ম্যাচটি হবে ২রা মে-তে এমবিবি স্টেডিয়ামে।

## কৈলাশহর থেকে রূপক দেবরায়ের বিরুদ্ধে অভিযোগ ও মামলা দায়ের

ক্রীড়া প্রতিনিধি, আগরতলা। আরও একটা অভিযোগ পত্র দাখিল হল রূপক দেব রায়ের বিরুদ্ধে। মোটকথা রূপকের বিরুদ্ধে এইবার বিভিন্ন মহাকুমা থেকেও অভিযোগ পত্র দাখিল করা

শুরু হয়ে গেছে। গত ১৫ এপ্রিল ২০২৪ কৈলাশহর মহকুমা ক্রীড়াবিদ তথা (ক্যারাটে ইন্সট্রাক্টর) সুরভ শর্মা, কৈলাশহর থানায় ও মহকুমা শাসকের নিকট এক অভিযোগপত্র দাখিল করেন,

ক্রীড়া বিষয়ে বিতর্কিত নাম রূপক দেবরায়ের বিরুদ্ধে। এইবার আস্তে আস্তে রাজ্যের বিভিন্ন মহকুমা ও প্রত্যন্ত অঞ্চল থেকে ক্রীড়া বিষয়ক বিতর্কিত সংগঠক রূপক দেবরায়ের বিরুদ্ধে। বিভিন্ন অভিযোগ পত্র

দাখিল করা হচ্ছে। রাজ্যের বিভিন্ন খেলোয়াড়রা দীর্ঘদিন ধরে বঞ্চিত হয়ে আসছে। এবার ওরা এতদিন ধরে বছরের পর বছর ন্যায্যবিচার না পেয়ে এইবার আইনের সাহায্য চেয়ে বিভিন্ন কর্তৃপক্ষের নিকট

অভিযোগ পত্র দাখিল করছেন। এবার কৈলাশহর মহকুমা শাসক সুরভ শর্মা এই অভিযোগপত্র পেয়ে কৈলাশহর থানায়, মহকুমা শাসকের তরফ থেকে চিঠি দিয়ে অন্তর করার জন্য। ১৫ এপ্রিল, এক চিঠি দিয়েছেন কৈলাশহর থানায়।

## টিএফএ-র বার্ষিক সাধারণ সভা ২৬ মে নতুন ৮টি দলের অনুমোদন, মরশুম জুনে

ক্রীড়া প্রতিনিধি, আগরতলা। ত্রিপুরা ফুটবল এসোসিয়েশনের গভর্নিং বডি'র বৈঠক রবিবার অনুষ্ঠিত হয়েছে। বিশেষ করে বার্ষিক সাধারণ সভার দিনক্ষণ চূড়ান্ত করা সহ বেশ কিছু গুরুত্বপূর্ণ বিষয়কে সামনে রেখে টিএফএ-র গভর্নিং বডি'র সভা অনুষ্ঠিত হয়েছে। গভর্নিং বডি'র সভায় আলোচনাক্রমে বার্ষিক সাধারণ সভার দিনক্ষণ ঠিক করা হয়েছে। আগামী ২৬ মে হবে টিএফএ-র বার্ষিক সাধারণ সভা। একই সঙ্গে গভর্নিং বডি'র সভায়

আলোচিত বিষয় ও সিদ্ধান্তগুলো নিয়ে সেগুলোর অনুমোদন সাপেক্ষে আলোচনা হয়েছে। আসন্ন মরশুমে ক্লাব লীগ ফুটবল টুর্নামেন্টে, বিশেষ করে সি-ডিভিশনে নতুন করে ৭টি টিম এবং মহিলা ফুটবল টুর্নামেন্টে একটি টিম সংযোজন বিষয় নিয়ে সিদ্ধান্ত গ্রহণ করা হয়েছে। এছাড়া, আরো বেশ কিছু গুরুত্বপূর্ণ বিষয়ের উপরও আলোচনা ও সিদ্ধান্ত নেয়া হয়েছে গভর্নিং বডি'র সভায়। উল্লেখ্য, গত ৫ এপ্রিল ত্রিপুরা ফুটবল এসোসিয়েশনের অফিস বেয়ারাররা

একটি বৈঠকে বসে সি ডিভিশন ক্লাব লীগ ফুটবল টুর্নামেন্টে ৭টি টিম নতুন করে নাম নথিভুক্ত করনের আবেদন করেছিল। এছাড়া জুন মাস থেকে ফুটবল মরশুম শুরু হবে বলে স্থির হয়েছে টুর্নামেন্ট ঘিরে বেশ কিছু গাইডলাইন তৈরি করা হয়েছে। ইতোমধ্যে সবকটি ক্লাব দলকে এ বিষয়ে জানানো হবে। টিএফএর নতুন কমিটি গঠন প্রকল্পে নির্বাচন আধিকারিকও স্থির করা হয়েছে। টিএফএ-র সম্পাদক রবিবার অনুষ্ঠিত বৈঠক সম্পর্কে বিস্তারিত জানান।

## প্রাইজমানি দাবার আসর হেই মে, এন্টি নিতে আহ্বান

ক্রীড়া প্রতিনিধি, আগরতলা। প্রাইজমানি দাবা প্রতিযোগিতার আয়োজন করা হয়েছে। এতে অংশ নিতে ইচ্ছুক দাবাড়ুদের নির্দিষ্ট সময়ের মধ্যে এন্টি আহ্বান করা হয়েছে। প্রাইজমানি দাবা প্রতিযোগিতা ৫ মে রবিবার। আসরের উদ্যোক্তা লামা-নি-হাদুক সোসাইটি। খেলা হবে কে বি আই এর ইউ আর সি হলঘরে। আসরের মোট প্রাইজমানি ১৫ হাজার। সেরা দাবাড়ু পাবেন ৫ হাজার টাকা। প্রথম ১০ স্থানাধিকারী দাবাড়ুকে দেওয়া হবে প্রাইজমানি। এছাড়া অনূর্ধ্ব-৭, ৯, ১১, ১৩, ১৫ এবং ১৭ বিভাগের সেরা ৪ দাবাড়ুকে পুরস্কৃত করা হবে। উদ্যোক্তা সংস্থার সহসভাপতি রাজু মজুমদার এক বিবৃতিতে এখবর জানিয়েছেন। ৫ রাউন্ডের হবে আসর। তিনি জানান, আসরে অংশ নিতে ইচ্ছুক দাবাড়ুদের ৪০০ টাকা এন্টি ফি সহ নাম জমা দিতে। নাম জমা দিতে হবে মেট্রিক্স চেস আকাদেমির কোচ কীরিটি দত্ত (৭০০৫২৯১৯৭৬) বা প্রতুল কুমার নন্দীর (৭৮৭১৮৫১৮৬২) কাছে। আসরে অংশ নেওয়ার দাবাড়ুদের মধ্যম ভোজের ব্যবস্থা করবে উদ্যোক্তা-রা।

সৃষ্টির প্রেরণায় নতুন প্রতিশ্রুতি

# উন্নত মুদ্রণ

সাদা, কালো, রঙিন  
নতুন ধারায়

## রেণুবো প্রিন্টিং ওয়ার্কস

জাগরণ ভবন, (লক্ষ্মীনারায়ণ মন্দির সংলগ্ন), এন এল বাড়ি লেইন  
প্রভুবাড়ী, বনমালীপুর, আগরতলা, ত্রিপুরা পশ্চিম - ৭৯৯০০১  
মোবাইল : ৯৪৩৬১২৩৭২০  
ই-মেল : [rainbowprintingworks@gmail.com](mailto:rainbowprintingworks@gmail.com)

